

摘藻堂四庫全書薈要

史部

欽定四庫全書會要卷五千六百十九

史部

五代史卷六十八

宋 歐陽修 撰

閩世家第八

王審知字信通光州固始人也父恁世爲農兄潮爲縣史唐末羣盜起壽州人王緒攻陷固始緒聞潮兄弟材勇召置軍中以潮爲軍校是時蔡州秦宗權方募士以益兵乃以緒爲光州刺史召其兵會擊黃巢緒遲留不

行宗權發兵攻緒緒率衆南奔所至剽畧自南康入臨  
汀陷漳浦有衆數萬緒性猜忌部將有才能者多因事  
殺之潮頗自懼軍次南安潮說其前鋒將曰吾屬棄墳  
墓妻子而爲盜者爲緒所脅爾豈其本心哉今緒雄猜  
將吏之材能者必死吾屬不自保朝夕况欲圖成事哉  
前鋒將大悟與潮相持而泣乃選壯士數十人伏篁竹  
間伺緒至躍出擒之囚之軍中緒後自殺緒已見廢前  
鋒將曰生我者潮也乃推潮爲主是時泉州刺史廖彥

若爲政貪暴衆人苦之聞潮略地至其境而軍行整肅  
其耆老相率遮道留之潮即引兵圍彥若逾年克之光  
啓二年福建觀察使陳巖表潮泉州刺史景福元年巖  
卒其壻范暉自稱留後潮遣審知攻暉久不克士卒傷  
死甚衆審知請班師潮不許又請潮自臨軍且益兵潮  
報曰兵與將俱盡吾當自往審知懼乃親督士卒攻破  
之暉見殺是歲唐即以潮爲福建觀察使潮以審知爲  
副使審知爲人狀貌雄偉隆準方口常乘白馬軍中號

白馬三郎乾寧四年潮卒審知代立唐以福州爲武威  
軍拜審知節度使累遷同中書門下平章事封琅邪王  
唐亡梁太祖加拜審知中書令封閩王升福州爲大都  
督府是時楊行密據有江淮審知歲遣使汎海自登萊  
朝貢于梁使者入海覆溺常十三四審知雖起盜賊而  
爲人儉約好禮下士王淡唐相溥之子楊沂唐相涉從  
弟徐寅唐時知名進士皆依審知仕宦又建學四門以  
教閩士之秀者招來海中蠻夷商賈海上黃崎波濤爲

阻一夕風雨雷電震擊開以爲港閩人以爲審知德政所致號爲甘棠港審知同光三年卒年六十四謚曰忠懿子延翰立

延翰字子逸審知長子也同光四年唐拜延翰節度使是歲莊宗遇弒中國多故延翰乃取司馬遷史記閩越王無諸傳示其將吏曰閩自古王國也吾今不王何待之有於是軍府將吏上書勸進十月延翰建國稱王而猶稟唐正朔延翰爲人長大美皙如玉其妻崔氏陋而

淫延翰不能制審知喪未暮撤其几筵又多選良家子爲妾崔氏性妬良家子之美者輒幽之別室繫以大械刻木爲人手以擊其頰又以鐵錐刺之一歲中死者八十四人崔氏後病見以爲祟而卒審知養子建州刺史延稟本姓周氏自審知時與延翰不叶延翰立以其弟延鈞爲泉州刺史延鈞怒二人因謀作亂十二月延稟延鈞皆以兵入執延翰殺之而延鈞立更名鱗

鱗審知次子也唐即拜鱗節度使累加檢校太師中書

令封閩王初延稟與鱗之謀殺延翰也延稟之兵先至已執延翰而殺之明日鱗兵始至延稟自以養子推鱗而立之延稟還建州鱗餞于郊延稟臨訣謂鱗曰善繼先志毋煩老兄復來鱗銜之長興二年延稟率兵擊鱗攻其西門使其子繼雄轉海攻其南門鱗遣王仁達拒之仁達伏甲舟中僞立白幟請降繼雄信之登舟伏兵發刺殺之梟其首西門其兵見之皆潰去延稟見執鱗謂之曰予不能繼先志果煩老兄復來延稟不能對遂



殺之延稟子繼昇守建州聞敗奔于錢塘長興三年鱗  
上書言楚王馬殷吳越王錢鏐皆爲尚書令今皆已薨  
請授臣尚書令唐不報鱗遂絕朝貢鱗好鬼神道家之  
說道士陳守元以左道見信建寶皇宮以居之守元謂  
鱗曰寶皇命王少避其位後當爲六十年天子鱗欣然  
遜位命其子繼鵬權主府事既而復位遣守元問寶皇  
六十年後將安歸守元傳寶皇語曰六十年後當爲大  
羅仙人鱗乃即皇帝位受冊於寶皇以黃龍見真封宅

改元爲龍啓國號閩追謚審知爲昭武孝皇帝廟號太祖立五廟置百官以福州爲長樂府而閩地狹國用不足以中軍使薛文傑爲國計使文傑多察民間陰事致富人以罪而籍沒其貲以佐用閩人皆怨又薦妖巫徐彥曰陛下左右多姦臣不質諸鬼神將爲亂鱗使彥視鬼於宮中文傑與內樞密使吳英有隙英病在告文傑謂英曰上以公居近密而屢以疾告將罷公英曰奈何文傑因教英曰即上遣人問公疾當言頭痛而已無他

苦也英以爲然明日諷鱗使巫視英病巫言入北廟見英爲崇順王所訊曰汝何敢謀反以金槌擊其首鱗以語文傑文傑曰未可信也宜問其疾如何鱗遣人問之英曰頭痛鱗以爲然即收英下獄命文傑劾之英自誣伏見殺英嘗主閩兵得其軍士心軍士聞英死皆怒是歲吳人攻建州鱗遣其將王延宗救之兵士在道不肯進曰得文傑乃進鱗惜之不與其子繼鵬請與之以紓難乃以檻車送文傑軍中文傑善數術自占云過三日

可無患送者聞之疾馳二日而至軍士踴躍磔文傑于市閩人爭以瓦石投之鬻食立盡明日鱗使者至赦之已不及初文傑爲鱗造檻車以謂古制踈闊乃更其制令上下通中以鐵芒內嚮動輒觸之既成首被其毒龍啓三年改元永和王仁達爲鱗殺延稟有功而典親兵鱗心忌之嘗問仁達曰趙高指鹿爲馬以愚二世果有之邪仁達曰秦二世愚故高指鹿爲馬非高能愚二世也今陛下聰明朝廷官不滿百起居動靜陛下皆知之

敢有作威福者族滅之而已。鱗慙賜與金帛慰安之。退而謂人曰：仁達智畧在吾世，猶可用，不可遺。後世患卒誣以罪殺之。鱗妻早卒，繼室金氏賢而不見答。審知婢金鳳，姓陳氏，鱗嬖之，遂立以爲后。初，鱗有嬖吏歸守明者，以色見，倖號歸郎。鱗後得風疾，陳氏與歸郎姦。又有百工院使李可殷，因歸郎以通陳氏。鱗命錦工作九龍帳，國人歌曰：誰謂九龍帳，惟貯一歸郎。鱗婢春燕有色，其子繼鵬，丞之。鱗已病，繼鵬因陳氏以求春。鷺鱗怏怏。

與之其次子繼韜怒謀殺繼鵬繼鵬懼與皇城使李倣  
圖之是歲十月鱗饗軍于大酺殿坐中昏然言見延稟  
來倣以爲鱗病已甚乃令壯士先殺李可殷于家明日  
晨朝鱗無恙問倣殺可殷何罪倣懼而出與繼鵬率皇  
城衛士而入鱗聞鼓噪聲走匿九龍帳中衛士刺之不  
殞宮人不忍其苦爲絕之繼韜及陳氏歸郎皆爲倣所  
殺鱗立十年見殺謚曰惠皇帝廟號太宗

繼鵬鱗長子也既立更名昶改元通文以李倣判六軍

諸衛事倣有弑君之罪既立昶而心常自疑多養死士以爲備昶患之因大享軍伏甲擒倣殺之梟其首于市倣部曲千人叛燒啓聖門奪倣首奔於錢塘晉天福二年昶遣使朝貢京師高祖遣散騎常侍盧損冊封昶閩王拜其子繼恭臨海郡王損至閩昶稱疾不見令繼恭主之又遣中書舍人劉乙勞損于館乙衣冠偉然騶僮甚盛佗日損遇乙于塗布衣芒履而已損使人謂之曰鳳閣舍人何偏下之甚也乙羞媿以手掩面而走昶聞

之怒損稍侵辱之損還昶無所答而其子繼恭遣其佐  
鄭元弼隨損至京師貢方物致書晉大臣述昶意求以  
敵國禮相往來高祖怒其不遜下詔暴其罪歸其貢物  
不納兵部員外郎李知損上書請籍沒其物而禁錮使  
者於是以元弼下獄獄具引見元弼俯伏曰昶夷貊之  
君不知禮義陛下方示大信以來遠人臣將命無狀願  
伏斧鑕以贖昶罪高祖乃赦元弼遣歸昶亦好巫拜道  
士譚紫霄爲正一先生又拜陳守元爲天師而妖人林



興以巫見幸事無大小興輒以寶皇語命之而後行守  
元教昶起三清臺三層以黃金數千斤鑄寶皇及元始  
天尊太上老君像日焚龍腦薰陸諸香數斤作樂于臺  
下晝夜聲不輟云如此可求大還丹三年夏虹見其宮  
中林興傳神言此宗室將爲亂之兆也乃命興率壯士  
殺審知子延武延望及其子五人後興事敗亦被殺而  
昶愈惑亂立父婢春鷲爲淑妃後立以爲皇后又遣豎  
人陳究以空名堂牒賣官昶弟繼嚴判六軍諸衛事昶

疑而罷之代以季弟繼鏞而募勇士爲宸衛都以自衛其賜予給賞獨厚於他軍控鶴都將連重遇拱宸都將朱文進皆以此怒激其軍是歲夏術者言昶宮中當有災昶徙南宮避災而宮中火昶疑重遇軍士縱火內學士陳郟素以便佞爲昶所親信昶以火事語之郟反以告重遇重遇懼夜率衛士縱火焚南宮昶挾愛姬子弟黃門衛士斬關而出宿于野次重遇迎延義立之延義令其子繼業率兵襲昶及之射殺數人昶知不免擲弓

于地繼業執而殺之及其妻子皆死無遺類延義立謚  
昶曰康宗

延義審知少子也既立更名曦遣使朝貢于晉改元永  
隆鑄大鐵錢以一當十曦自昶世倨彊難制昶相王侁  
每抑折之曦亦憚侁不敢有所發新羅遣使聘閩以寶  
劍昶舉以示侁曰此將何爲侁曰不忠不孝者斬之曦  
居旁色變曦既立而新羅復獻劍曦思侁前言而侁已  
死命發塚戮其尸侁面如生血流被體泉州刺史余廷

英嘗矯曦命掠取良家子曦怒召下御史劾之廷英進  
買宴錢十萬曦曰皇后土貢何在廷英又獻皇后錢十  
萬乃得不劾曦嘗嫁女朝士有不賀者笞之御史中丞  
劉贇坐不糾舉將加笞諫議大夫鄭元弼切諫曦謂元  
弼曰卿何如魏鄭公乃敢彊諫元弼曰陛下似唐太宗  
臣爲魏鄭公可矣曦喜乃釋贇不笞曦弟延政爲建州  
節度使封富沙王自曦立不叶數舉兵相攻曦由此惡  
其宗室多以事誅之諫議大夫黃峻昇櫬詣朝堂極諫

曦怒貶峻漳州司戶參軍校書郎陳光逸上書疏曦過

惡五十餘事曦命衛士鞭之百而不死以繩係頸掛于  
木久而乃絕國計使陳匡範增筭商之法以獻曦曰匡  
範人中寶也已而歲入不登其數乃借於民以足之匡  
範以憂死其後知其借於民也剖棺斷尸棄之水中曦  
性既淫虐而妻李氏悍而酗酒賢妃尚氏有色而寵李  
仁遇曦甥也以色嬖之用以爲相曦常爲牛飲羣臣侍  
酒醉而不勝有訴及私棄酒者輒殺之諸子繼柔棄酒

并殺其贊者一人連重遇弒昶懼爲國人所討與朱文  
進連姻以自固曦心疑之常以語誚重遇等重遇等流  
涕自辨李氏妬尚妃之寵欲圖曦而立其子亞澄乃使  
人謂重遇等曰上心不平於二公奈何重遇等懼六年  
三月曦出遊醉歸重遇等遣壯士拉於馬上而殺之謚  
曰景宗

延政審知子也曦立爲淫虐延政數貽書諫之曦怒遣  
杜建崇監其軍延政逐之曦乃舉兵攻延政爲延政所

敗延政乃以建州建國稱殷改元天德明年連重遇已  
殺曦集閩羣臣告曰昔太祖武皇帝親冒矢石遂啓有  
閩及其子孫淫虐不道今天厭王氏百姓與能當求有  
德以安此土羣臣皆莫敢議乃掖朱文進升殿率百官  
北面而臣之文進以重遇判六軍諸衛事王氏子弟在  
福州者無少長皆殺之以黃紹頗守泉州程贇守漳州  
許文績守汀州稱晉年號時開運元年也泉州軍將留  
從効詐其州人曰富沙王兵取福州矣吾屬世爲王氏

臣安能交臂而事賊乎州人共殺紹顏迎王繼勳爲刺史漳州聞之亦殺贊迎王繼成爲刺史皆王氏之諸子也文縝懼以汀州降于延政延政已得三州重遇亦殺文進傳首建州以自歸福州裨將林仁翰又殺重遇謀迎延政都福州是時南唐李景聞閩亂發兵攻之延政遣其從子繼昌守福州而南唐兵方急攻延政福州將李仁達謂其徒曰唐兵攻建州富沙王不能自保其能有此土邪乃擒繼昌殺之欲自立懼衆不附以雪峰寺



僧卓儼明示衆曰此非常人也被以袞冕率諸將吏北面而臣之已而又殺儼明乃自立送款于李景景以仁達爲威武軍節度使更其名曰弘義而景兵攻破建州遷延政之族於金陵封鄱陽王是歲景保大四年也留從効聞延政降唐執王繼勳送于金陵李景以泉州爲清源軍以從効爲節度使景已破延政遣人召李仁達使入朝仁達不從遂降于吳越而留從効亦逐景守兵據泉漳二州景猶封從効晉江王周世宗時從効遣牙

將蔡仲興爲商人間道至京師求置邸內屬是時世宗與李景畫江爲界遂不納從劾仍臣于南唐其後事具

國史

晉開運三年丙午南唐保太四年也是歲李景兵破建州王氏滅江南錄云保太三年虜王氏之族

遷于金陵謬也據王潮實以唐景福元年入福州拜觀察使而後人紀錄者乃用騎馬來騎馬去之讖以爲據遂以王潮光啓二年歲在丙午拜泉州刺史爲始年至保太四年歲復在丙午而滅故爲六十一年然其奄有閩國則當自景福元年爲始實五十五年也今諸家記其國滅丙午是也其始年則牽於讖書謬矣惟江南錄又差其末年也

五代史卷六十八

五代史卷六十八考證

王延義傳泉州刺史余廷英○廷南本作延

廷英又獻皇后錢十萬○十南本作千

閩世家總注南唐保太四年也○太應改大下文保太  
三年同

五代史卷六十八考證

謹案卷六十六第十頁前四行下湘鄉刊本鄉訛  
鄉今改

卷六十七第十二頁後八行豈非其孽歟刊本孽  
訛藥據毛本改

卷六十八第十頁後八行及私棄酒者刊本及訛  
乃據毛本改



五  
八  
二  
三



覆校官編修臣查 瑩

校對官庶吉士臣王坦 修

騰錄監生臣梅 德



欽定四庫全書薈要

史部

五代史卷六十九至  
七十一

詳校官內閣侍讀孫球



欽定四庫全書會要卷五千六百二十

史部

五代史卷六十九

宋 歐陽修 撰

南平世家第九

李興字貽孫陝州硤石人也本名季昌避後唐獻祖

廟諱更名季興季興少為汴州富人李讓家僮梁太祖

初鎮宣武讓以人貨得幸養為子易其姓名曰朱友讓

季興以友讓故得進見太祖奇其材命友讓以子畜之

因冒姓朱氏補制勝軍使遷毅勇指揮使天復二年梁兵攻鳳翔李茂貞堅壁不出太祖議欲收軍還河中季興獨進曰天下豪傑窺此舉者一歲矣今岐人已憊破在旦夕而大王之所慮者閉壁以老我師此可以誘致之也太祖壯其言命季興募勇敢士得騎士馬景季興授以計引見太祖景曰此行無還理願錄其後嗣太祖惻然止之景固請乃行景以數騎馳叩城門告曰梁兵將東前鋒去矣岐人以為然開門出追梁軍梁兵隨景

後以進殺其九千餘人景死之茂貞後與梁和昭宗出  
贈景官謚曰忠壯季興由是知名明年拜宋州刺史從  
破青州徙潁州防禦使復姓高氏當唐之末襄州趙匡  
凝襲破雷彥恭于荆南以其弟匡明為留後梁兵攻破  
襄州匡凝奔于吳匡明奔于蜀乃以季興為荆南節度  
觀察留後開平元年拜季興節度使二年加同中書門  
下平章事荆南節度十州當唐之末為諸道所侵季興  
始至江陵一城而已兵火之後井邑凋零季興招緝綏

撫人士歸之乃以倪可福鮑唐為將帥梁震司空薰王保義等為賓客太祖崩季興見梁日以衰弱乃謀阻兵自固治城隍設樓櫓以兵攻歸峽為蜀將王宗壽所敗又發兵聲言助梁擊晉以侵襄州為孔勅所敗乃絕貢賦累年梁末帝優容之封季興渤海王賜以袞冕劔佩貞明三年始復修貢梁亡唐莊宗入洛下詔慰諭季興司空薰等皆勸季興入朝京師梁震以為不可曰梁唐世為仇敵夾河血戰垂二十年今主上新滅梁而大王

梁室故臣握彊兵居重鎮以身入朝行為虜爾季興不聽留其二子以騎士三百為衛朝于洛陽莊宗果欲留之郭崇韜諫曰唐新滅梁得天下方以大信示人今四方諸侯相繼入貢不過遣子弟將吏而季興以身述職為諸侯率宜加恩禮以諷動來者而反縻之示天下以不廣且絕四方內向之意不可莊宗乃止厚禮而遣之莊宗嘗問季興曰吾已滅梁欲征吳蜀何者為先季興曰宜先蜀臣請以本道兵先進莊宗大悅以手拊其背

季興因命工繡其手迹於衣歸以為榮耀季興已去莊宗心悔遣之密詔襄州劉訓圖之季興行至襄州心動夜斬關而出已去而詔書夜至季興歸而謂梁震曰不聽子言幾不免因曰吾行有二失來朝一失放還一失且主上百戰以取河南對功臣誇手抄春秋又曰我於手指上得天下其自矜伐如此而荒于遊畋政事多廢吾可無慮矣同光三年封南平王魏王繼岌已破蜀得蜀金帛四十餘萬自峽而下而莊宗之難作季興聞京

師有變乃悉邀留蜀物而殺其使者韓瑛等十餘人初唐兵伐蜀季興請以本道兵自取夔忠萬歸峽等州乃以季興為峽路東南面招討使而季興未嘗出兵魏王已破蜀而明宗入立季興因請夔忠等州為屬郡唐大臣以為季興請自取之而兵出無功不與季興屢請雖不得已與之而唐猶自除刺史季興拒而不納明宗乃以襄州劉訓為招討使攻之不克而唐別將西方鄴克其夔忠萬三州季興遂以荆歸峽三州臣于吳吳冊季



興秦王天成三年冬卒年七十一謚曰武信季興子九人長子從誨立

從誨字遵聖季興時入梁為供奉官累遷鞍轡庫使賜告歸寧季興遂留為馬步軍都指揮使行軍司馬季興卒吳以從誨為荆南節度使從誨以父自絕于唐懼復見討乃遣使者聘于楚楚王馬殷為之請命于唐而從誨亦遣押衙劉知謙奉表自歸進贖罪銀三千兩明宗納之長興元年正月拜從誨節度使追封季興楚王謚

曰武信三月封從誨渤海王應順元年封南平王從誨  
為人明敏多權詐晉高祖遣翰林學士陶穀為從誨生  
辰國信使從誨宴穀望沙樓大陳戰艦于樓下謂穀曰  
吳蜀不賓久矣願修武備習水戰以待師期穀還具道  
其語晉高祖大喜復遣使賜以甲馬百匹襄州安從進  
反結從誨為援從誨外為拒絕陰與之通晉師致討從  
誨遣將李端以舟師為應從進誅從誨求郢州為屬郡  
高祖不許契丹滅晉漢高祖起太原從誨遣人間道奉

表勸進且言漢得天下願乞郢州為屬漢高祖陽諾之  
高祖入汴從誨遣使朝貢因求郢州高祖不與從誨怒  
發兵攻郢州為刺史尹實所敗漢遣國子祭酒田敏使  
于楚假道荆南從誨問敏中國虛實以為契丹之後兵  
食皆殫意欲以誚敏敏為言杜重威悉以晉戈甲降虜  
虜置之鎮州未嘗以北而晉兵皆漢有也從誨不悅敏  
以印本五經遺從誨從誨謝曰予之所識不過孝經十  
八章爾敏曰至德要道於此足矣敏因誦諸侯章曰在

上不驕高而不危制節謹度滿而不溢從誨以為讖已  
即以大庾罰敏荆南地狹兵弱介於吳越為小國自吳  
稱帝而南漢閩楚皆奉梁正朔歲時貢奉皆假道荆南  
季興從誨常邀留其使者掠取其物而諸道以書責誚  
或發兵加討即復還之而無媿其後南漢與閩蜀皆稱  
帝從誨所嚮稱臣蓋利其賜予俚俗語謂奪攘苟得無  
媿恥者為賴子猶言無賴也故諸國皆目為高賴子從  
誨自求郢州不得遂自絕於漢逾年復通朝貢乾祐元

年十月卒年五十八贈尚書令謚曰文獻子保融立從  
誨十五子長曰保勲次保正保融第三子也不知其得  
立之因

保融字德長從誨時為節度副使兼峽州刺史從誨卒  
拜節度使廣順元年封渤海郡王顯德元年進封南平  
王世宗征淮保融遣指揮使魏璘率兵三千出夏口以  
為應又遣客將劉扶奉牋南唐勸其內附李景稱臣世  
宗得保融所與牋大喜賜以絹百匹荆南自後唐以來

數歲一貢京師而中間兩絕及世宗時無歲不貢矣保融以謂器械金帛皆土地常產不足以効誠節乃遣其弟保紳來朝世宗益嘉之初季興之鎮梁以兵五千為牙兵衣食皆給於梁至明宗時歲給以鹽萬三千石後不復給及世宗平淮故命泰州給之保融性迂緩無材能而事無大小皆委其弟保勗其從叔從義謀為亂為其徒高知訓所告從之松滋而殺之宋興保融懼一歲之間三入貢建隆元年以疾卒年四十一贈太尉諡曰

貞懿弟保勗立

保勗字省躬從誨第十子也保融卒拜節度使三年保勗疾謂其將梁延嗣曰我疾遂不起兄弟孰可付之後事者延嗣曰公不念貞懿王乎先王寢疾以軍府付公今先王子繼冲長矣保勗曰子言是也即以繼冲判內外兵馬十一月保勗卒年三十九贈侍中保融之子繼冲立

繼冲字成和保勗卒拜節度使湖南周行逢卒子保權

立其將張文表作亂建隆四年太祖命慕容延釗等討之延釗假道荆南約以兵過城外繼冲大將李景威曰兵尚權譎城外之約不可信也宜嚴兵以待之判官孫光憲叱之曰汝峽江一民爾安識成敗且中國自周世宗時已有混一天下之志况聖宋受命真主出邪王師豈易當也因勸繼冲去斥堠封府庫以待繼冲以為然景威出而歎曰吾言不用大事去矣何用生為因扼吭而死延釗軍至繼冲出逆于郊而前鋒遽入其城繼冲



亟歸見旌旗甲馬布列衢巷大懼即詣延釗納牌印太祖優詔復命繼冲為節度使乾德元年有事于南郊繼冲上書願陪祠九月具文告三廟率其將吏宗族五百餘人朝于京師拜武寧軍節度使以卒光憲拜黃州刺史其後事具國史

季興興滅年世甚明諸書皆同蓋自梁開平元年鎮荆南至皇朝乾德元

年國除凡五十七年

五代史卷六十九

五代史卷六十九考證

高季興傳韓珙等十餘人○珙監本訛珙今從閣本  
從誨傳從誨以父自絕于唐懼復見討乃遣使者聘於  
楚楚王馬殷為之請命于唐而從誨亦遣押衙劉知  
謙奉表自歸進贖罪銀三千兩明宗納之○

臣文清

按通鑑載季興附于吳從誨襲位謂僚佐曰唐近而  
吳遠舍近臣遠非計也乃因楚王殷以謝罪于唐又  
遺山南東道節度使安元信書求保奏復修職貢元

信以從誨書聞帝許之與此小異然較詳

保融傳皆委其弟保勗○監本闕其弟二字今從南本

增正

五代史卷六十九考證

欽定四庫全書薈要卷五千六百二十一

史部

五代史卷七十

宋

歐

陽

修

撰

東漢世家第十

劉旻漢高祖母弟也初名崇為人美鬚髯目重瞳子少無賴嗜酒好博嘗黥為卒高祖事晉為河東節度使以旻為都指揮使高祖即帝位以為太原尹北京留守同中書門下平章事隱帝時累加中書令隱帝少政在大

臣周太祖為樞密使新討三叛立大功而與旻素有隙  
旻頗不自安謂判官鄭珙曰主上幼弱政在權臣而吾  
與郭公不叶時事如何珙曰漢政將亂矣晉陽兵雄天  
下而地形險固十州征賦足以自給公為宗室老不以  
此時為計後必為人所制旻曰子言乃吾意也乃罷上  
供征賦收豪傑籍丁民以益兵三年周太祖起魏隱帝  
遇弒旻乃謀舉兵周太祖之自魏入也反狀已白而漢  
大臣不即推尊之故未敢即立乃白漢太后立旻子贇

為漢嗣遣宰相馮道迎贊于徐州當是時人皆知太祖之非實意也旻獨喜曰吾兒為帝矣何患乃罷兵遣人至京師周太祖少賤黥其頸上為飛雀世謂之郭雀兒太祖見旻使者具道所以立贊之意因自指其頸以示使者曰自古豈有雕青天子幸公無以我為疑旻喜益信以為然太原少尹李驥曰郭公舉兵犯順其勢不能為漢臣必不為劉氏立後因勸旻以兵下太行控孟津以俟變庶幾贊得立贊立而罷兵可也旻大罵曰驥腐

儒欲離間我父子命左右牽出斬之驤臨刑歎曰吾為  
愚人畫計死誠宜矣然吾妻病不可獨存願與之俱死  
旻聞之即并戮其妻于市以其事白漢以明無他已而  
周太祖果代漢降封贇湘陰公旻遣牙將李訥奉書周  
太祖求贇歸太原而贇已死旻即慟哭為李驤立祠歲  
時祠之乃以周廣順元年正月戊寅即皇帝位于太原  
以子承鈞為太原尹判官鄭珙趙華為宰相都押衙陳  
光裕為宣徽使遣通事舍人李訥間行使于契丹契丹

永康王烏雲與旻約為父子之國旻乃遣宰相鄭珙致書烏雲稱姪皇帝以叔父事之而已烏雲遣燕王舍音政事令高勲以冊尊旻為大漢神武皇帝并稱旻妻為皇后烏雲性豪儁漢使者至輒以酒肉困之珙素有疾烏雲彊之飲一夕而以醉卒然烏雲聞旻自立頗幸中國多故乃遣其貴臣舍音高勲以自愛黃騮九龍十二稻玉帶報聘已而烏雲為舍音所弒舍音代立旻遣樞密直學士王得中聘于舒嚕求兵以攻周舒嚕遣蕭禹



厥率兵五萬助旻旻出陰地攻晉州為王峻所敗是歲太寒旻軍凍餒亡失過半明年又攻府州為折德辰所敗德辰因取岢嵐軍周太祖崩旻聞之喜遣使乞兵于契丹契丹遣楊衮將鉄馬萬騎及烏雲部兵五六萬人號稱十萬以助旻旻以張元徽為先鋒自將騎兵三萬攻潞州潞州李筠遣穆令鈞以步騎三千拒元徽于太平驛元徽擊敗之遂圍潞州是時世宗新即位以謂旻幸周有大喪而天子新立必不能出兵宜自將以擊其

不意自宰相馮道等多言不可世宗意甚銳顯德元年三月親征甲午戰于高平李重進白重贊將左樊愛能何徽將右向訓史彥超居中軍張永德以禁兵衛蹕旻亦列為三陣張元徽居東偏楊衮居西偏旻居其中衮望周師謂旻曰勅敵也未可輕動旻奮髯曰時不可失無妄言衮怒而去旻號令東偏先進王得中叩馬諫曰南風甚急非北軍之利也宜少待之旻怒曰老措大毋妄沮吾軍即麾元徽元徽擊周右軍兵始交愛能徽退

走其騎軍亂步卒數千棄甲叛降元徽呼萬歲聲振川  
谷世宗大駭躬督戰士士皆奮命爭先而風勢愈盛旻  
自麾赤幟收軍軍不可遏旻遂敗日暮旻收餘兵萬人  
阻澗而止是時周之後軍劉訶將之在後未至而世宗  
銳於速戰戰已勝訶軍繼至因乘勝追擊之旻又大敗  
輜重器甲乘輿服御物皆為周師所獲旻獨乘契丹黃  
騮自鵬窠嶺間道馳去夜失道山谷間得村民為鄉導  
誤趨平陽得佗道以歸而張元徽戰歿于陣揚袞怒旻

按兵西偏不戰故獨全軍而返旻歸為黃驢治廐飾以金銀食以三品料號自在將軍世宗休軍潞州大宴將士斬敗將樊愛能何徽等七十餘人軍威大振進攻太原遣符彥卿史彥超北控忻口以斷契丹援路太原城方四十里周師去城三百步圍之匝自四月至於六月攻之不克而彥卿等為契丹所敗彥超戰歿世宗遽班師初周師之圍城也是遣王得中送楊衮以歸因乞援兵於契丹契丹發數萬騎助旻遣得中先還至代州代

州將桑珪殺防禦使鄭處謙以城降周并送得中于周  
世宗召問得中虜助兵多少得中言送衮歸無所求也  
世宗信之已而契丹敗符彥卿於忻口得中遂見殺是  
自敗於高平已而被圍以憂得疾明年十一月卒年六  
十子承鈞立

承鈞是次子也少頗好學工書是卒承鈞遣人奉表契  
丹自稱男舒嚕答之以詔呼承鈞為兒許其嗣位初是  
常謂張元徽等曰吾以高祖之業贊之寃義不為郭公

屈爾期與公等勉力以復家國之讐至於稱帝一方豈  
獲已也顧我是何天子爾亦是何節度使故其僭號仍  
稱乾祐不改元不立宗廟四時之祭用家人禮承鈞既  
立始赦境內改乾祐十年曰天會元年立七廟於顯聖  
宮契丹遣高勳以兵助承鈞承鈞遣李存瓌與勳攻上  
黨無所得而還明年世宗北伐契丹下三關契丹使來  
告急承鈞將發兵而世宗班師乃已宋興昭義節度使  
李筠叛命遣其將劉繼冲判官孫孚奉表稱臣執其監

軍周光遜李廷玉送于太原乞兵為援承鈞欲謀於契丹繼冲道鈞意請無用契丹兵承鈞即率其國兵自將出團柏谷羣臣餞之汾水僕射趙華曰李鈞舉事輕易陛下不圖成敗空國興師臣實憂之承鈞至太平驛封鈞隴西郡王鈞見承鈞儀衛不備非如王者悔臣之鈞因自陳受周氏恩不忍背德而承鈞與周世仇也聞鈞言亦不悅遣宣徽使盧贊監其軍鈞心益不平與贊多不叶承鈞遣宰相衛融和解之已而鈞敗死衛融被執

至京師太祖皇帝問融承鈞所以助鈞反狀融言不遜  
太祖命以鐵撾擊其首流血被面融呼曰臣得死所矣  
太祖顧左右曰此忠臣也釋之命以良藥傅其瘡遣融  
致書于承鈞求周光遜等約亦歸融太原承鈞不報融  
遂留京師承鈞謂趙華曰不聽公言幾至於敗然失衛  
融盧贊吾以為恨爾承鈞由此益重儒者以抱腹山人  
郭無為參議國政無為隸州人方頴鳥喙好學多聞善  
談辯嘗衣褐為道士居武當山周太祖討李守貞于河



中無為詣軍門上謁詢以當世之務太祖竒之或謂太祖曰公為漢大臣握重兵居外而延縱橫之士非所以防微慮遠之道也由是太祖不納無為去隱抱腹山承鈞內樞密使段常識之薦其材承鈞以諫議大夫召之遂以為相五年宿衛殿直行首王隱劉紹趙鸞等謀作亂事覺被誅其詞連段常乃罷常樞密為汾州刺史縊殺之自是世凡舉事必稟契丹而承鈞之立多略契丹遣使者責承鈞改元援李筠殺段常不以告承鈞惶恐

謝罪使者至契丹輒見留承鈞奉之愈謹而契丹待承鈞益薄承鈞自李筠敗而失契丹之援無復南侵之意地狹產薄以歲輸契丹故國用日削乃拜五臺山僧繼顥為鴻臚卿繼顥故燕王劉守光之子守光之死以孽子得不殺削髮為浮圖後居五臺山為人多智善商財利自旻世頗以賴之繼顥能講華嚴經四方供施多積畜以佐國用五臺當契丹界上繼顥常得其馬以獻號添都馬歲率數百匹又於柏谷置銀冶募民鑿山取礦

烹銀以輸劉氏仰以足用即其治建寶興軍繼顯後累

官至太師中書令以老病卒追封定王太祖嘗因界上

謀者謂承鈞曰君家與周氏為世讐宜其不屈今我與

爾無所間何為困此一方之人也若有志於中國宜下

太行以決勝負承鈞遣謀者復命曰河東土地兵甲不

足以當中國之十一然承鈞家世非叛者區區守此蓋

懼漢氏之不血食也太祖哀其言笑謂謀者曰為我語

承鈞開爾一路以為生故終其世不加兵承鈞立十三

年病卒其養子繼恩立

繼恩本姓薛氏父釗為卒是以女妻之生繼恩漢高祖以釗壻也除其軍籍置之門下釗無材能高祖衣食之而無所用妻以旻女常居中釗罕得見釗常怏怏因醉拔佩刀刺之傷而不死釗即自裁旻女後適何氏生子繼元而何氏及旻女皆卒旻以其子承鈞無子乃以二子命承鈞養為子承鈞立以繼恩為太原尹承鈞嘗謂郭無為曰繼恩純孝然非濟世之才恐不能了我家事

無為不對承鈞病卧勤政閣召無為執手以後事付之  
承鈞卒繼恩告哀於契丹而後立繼恩服緣裳視事寢  
處皆居勤政閣而承鈞故執事百司宿衛者皆在太原  
府廡九月繼恩置酒會諸大臣宗子飲罷卧閣中供奉  
官侯霸榮率十餘人挺刃入閣閉戶而殺之郭無為遣  
人以梯登屋入殺霸榮并其黨初承鈞之語郭無為為也  
繼恩怨無為不助已及立欲逐之而未果故霸榮之亂  
人皆以謂無為之謀霸榮死口滅而無知者無為迎繼

元而立之

繼元為人忍戾子十餘人皆無可稱者當繼元時有錫錯錡錫於繼元為諸父皆為繼元所殺獨銑以佯愚獲免承鈞妻郭氏繼元兄弟自少母之繼元妻段氏嘗以小過為郭氏所責既而以它疾而卒繼元疑其殺之及立遣嬖者范超圖殺郭氏郭氏方縗服哭承鈞于柩前超執而縊殺之於是劉氏之子孫無遺類矣繼元立改元曰廣運王師北征繼元閉城拒守太祖以詔書招繼

元出降許以平盧軍節度使郭無為安國軍節度使無為捧詔色動而并人及繼元左右皆欲堅守以拒命無為仰天慟哭拔佩刀欲自裁為左右所持繼元自下執其手延之上坐無為曰奈何以孤城拒百萬之王師蓋欲搖動并人而并人守意益堅宦者衛德貴察無為有異志以告繼元繼元遣人縊殺之初太祖命引汾水浸其城水自城門入而有積草自城中飄出塞之是時王師頓兵甘草地中會歲暑雨軍士多疾乃班師王師已

去繼元決城下水注之臺駘澤水已落而城多摧圯契丹使者韓知璠時在太原歎曰王師之引水浸城也知其一而不知其二若知先浸而後涸則并人無類矣太平興國四年王師復北征繼元窮窘而并人猶欲堅守其樞密副使馬峯老疾居于家昇入見繼元流涕以興亡諭之繼元乃降太宗御城北高臺受降以繼元為右衛上將軍封彭城公其後事具國史

是年世興滅諸書皆同自周廣順元

年建號至皇朝太平興國四年國滅凡二十八年餘具年譜注



五代史卷七十

五代史卷七十考證

劉繼元傳繼元決城下水注之臺駘澤○澤一本作驛

誤

五代史卷七十考證

欽定四庫全書蒼齋要卷五千六百二十二

史部

五代史卷七十一

宋

歐

陽

修

撰

十國世家年譜第十一

嗚呼堯舜盛矣三代之王功有餘而德不足故皆更始以自新由是改正朔矣至於後世遂名年以建元及僭竊交興而稱號紛雜則不可以不別也五代十國稱帝改元者七吳越荆楚常行中國年號然子聞於故老謂

吳越亦常稱帝改元而求其事迹不可得頗疑吳越後  
自諱之及旁采閩楚南漢諸國之書與吳越往來者多  
矣皆無稱帝之事獨得其封落星石為寶石山制書稱  
寶正六年辛卯則知其嘗改元矣辛卯長興二年乃鏐  
之末世也然不見其終始所因故不得而備列錢氏訖  
五代嘗外尊中國豈其張軌之比乎十國皆非中國有  
也其稱帝改元與未足較其得失故竝列之作十國  
世家年譜

晉  
吳  
蜀  
南漢  
楚  
吳越  
閩  
南平

丁卯

梁太祖  
開平元年

李克用  
天祐四年

楊渥  
天祐四年

王建  
天復七年

劉隱

馬殷

錢鏐

王審知

高季興

戊辰

二

五月  
克用卒  
存嗣立

是歲  
五隆演立

武成

年即位

己巳

三

六

六

二

庚午

四

七

七

三

辛未

乾化  
元年

八

八

永平

是歲  
乾化  
龔立

乾化

乾化

乾化

壬申

二

九

九

二

癸酉

三  
二月  
末帝  
即位

十

十

三

甲戌

四

十一

十一

四

乙亥

貞明  
元年

十二

十二

五

貞明

貞明

貞明

貞明

丙子

二

十三

十三

通正

丁丑

三

十四

十四

天漢

乾  
是歲  
龔偕  
立了

戊寅

四

十五

十五

光天  
是歲  
行立

二

己卯

五

十六

武  
是歲  
吳王  
義我  
稱制  
改元

乾德

三

庚辰

六

十七

二  
是歲  
溥立

二

四



辛巳

龍德元年

十八

順義

三

五

龍德

龍德

龍德

壬午

二

十九

二

四

六

癸未

唐莊宗是歲四  
同光元年改元  
年同光

三

五

七

同光

同光

同光

甲申

二

四

六

八

乙酉

三

五

是歲  
咸康  
蜀亡

白龍

是歲  
延翰  
立

丙戌

明宗  
天成年元

丁亥

二

戊子

三

己丑

四

庚寅

長興  
元年

六

乾  
是歲  
溥借  
帝貞  
號  
改元

二

大和

二

二

天  
成

三

大有

二

三

是歲  
長興  
希聲立

寶  
正

二

三

四

五

是歲  
天  
成  
鑄立

天  
成

是歲  
從  
誨  
立

長  
興

長  
興

辛卯

二

壬辰

三

癸巳

十二月  
四愍帝即位

甲午

應順元年  
廢帝元  
清泰元年

乙未

二

天祚

二

六

後蜀孟知祥立  
明德李昶立

五

八

七

六

五

四

是歲  
希範立

應順  
清泰

錢氏惟  
見一號六  
年其餘  
闕不見

是歲  
元瓘立

龍啓

二

永和  
昶立

應順  
清泰

丙申

晉高祖

天福元年

丁酉

二

戊戌

三

己亥

四

庚子

五

二

南唐

昇元

立昇李歲是

二

三

四

三

四

廣政

二

三

九

十

十一

十二

十三

天福

通文

天福

二

三

是歲  
永隆  
延義立

二

辛丑 六

壬寅 七  
出帝 六月即位

癸卯 八

甲辰 開運  
元年

乙巳 二

五

六

保大 是歲  
景立

二

三

四

五

六

七

八

十四

光天 是歲  
玠立

應乾 是歲  
乾和立

二

三

開運

是歲  
佐立

三

四

是天 是歲  
政以建 州稱殷元

六歲 是  
職亡

天德三

開運

丙午三

丁未  
天福  
漢高祖  
十二年

戊申  
乾祐  
二年  
二月即位  
隱帝

巳酉二

庚戌三

四  
九

五  
十

六  
十一

七  
十二

八  
十三

四

五

六

七

八

是歲  
希廣  
立

乾祐

是歲  
希萼  
立

是歲  
侖立  
見廢

是歲  
倣立

是歲  
延南  
政為  
唐所  
虜  
王氏滅

是歲  
乾祐  
保融立

辛亥

周太祖  
元年

廣順

東漢  
劉昱立

乾祐四年

九

十四

九

是歲希  
等立  
廣順  
于金陵  
馬氏絕

壬子

二

五

十

十五

十

癸丑

三

六

十一

十六

十一

是歲劉  
言立見  
殺王進  
遠立

甲寅

顯德  
世宗  
正月  
立

是歲  
七承  
鈞

十二

十七

十二

顯德

乙卯

二

八

十三

十八

十三

顯德

廣順

丙辰

三

九

十四

十九

十四

是歲  
周行  
逢立

丁巳

四

天會

十五

二十

十五

戊午

五

二

交泰  
顯德

二十一

是歲  
大寶

是歲  
大寶  
銀立

己未

六

恭帝六  
月即位  
明年正  
月避位

三

二十二

二

或問十國固非中國有也然猶命以封爵而稱中國年  
號來朝貢者亦有之矣本紀之不書何也曰封爵之不



書所以見其非中國有也其朝貢之來如夷狄以夷狄書之則甚矣問者曰四夷十國皆非中國有也四夷之封爵朝貢則書而十國之不書何也曰以中國而視夷狄夷狄之可也以五代之君而視十國夷狄之則未可也故十國之封爵朝貢不如夷狄則無以書之書如夷狄則五代之君未可以夷狄之也是以外而不書見其自絕於中國焉爾問者曰外而不書則東漢之立何以書曰吾於東漢常異其辭於九國也春秋因亂世而立

治法本紀以治法而正亂君世亂則疑難之事多正疑處難敢不懼也周漢之事可謂難矣哉或謂劉旻嘗致書於周求其子贇不得而後自立然則旻之志不以忘漢為讐而以失子為讐也曰漢嘗詔立贇為嗣則贇為漢之國君不獨為旻子也旻之大義宜不為周屈其立雖未必是而義當不屈于周此其可以異乎九國矣終旻之世猶稱乾祐至承鈞立然後改元則旻之志豈不可哀也哉

十國年世惟楚閩東漢三國諸家之說不同而互有得失最難考正今畧其諸說而正其是者庶幾博覽者不惑而一以年譜為正也○馬氏據湖湘故事九國志運歷圖竝云殷以長興元年卒是歲子希聲立長興三年卒而五代舊史殷列傳云殷以長興二年卒享年七十八子希聲立不周歲而卒明宗本紀長興元年書希聲除節度使起復三年八月又書希聲卒今據九國志殷以大中六年歲在壬申生享年七十九蓋自大中壬申至長興元年庚寅實七十九年為得其實而希聲據湖湘故事九國志運歷圖皆以三年卒與明宗本紀皆合不疑惟舊史書殷卒二年及年七十八希聲立不周歲卒為繆爾希萼希崇之亂南唐盡遷馬氏之族歸于金陵五代舊史云時廣順元年也而運歷圖云乾祐二年馬氏滅者繆也初殷入湖南掘地得石識云龍起頭猪掉尾蓋殷以乾寧三年歲在丙辰自立於湖南至廣順元年辛亥而滅九國志以乾祐三年為辛亥湖湘故事

以顯德元年為辛亥者皆繆也惟五代舊史得其實○  
王氏世次曰朔曰審知曰延翰曰鑄曰昶曰曦曰延政  
凡七主而朔以唐景福元年歲在壬子始入福州至開  
運三年丙午而滅實五十五年當云七主五十五年為  
得其實而運歷圖云五十六年九國志五代舊史紀年  
通譜閩中實錄閩王列傳皆云七主六十年者皆繆也  
○審知五代舊史本傳云同光元年十二月卒九國志  
亦云同光元年卒運歷圖同光三年卒今檢五代舊史  
莊宗本紀同光二年五月丙午審知加檢校太師守中  
書令豈得卒於元年也又至四年二月庚子福建副使  
王延翰奏稱權知軍府事二月辛亥遂除延翰威武軍  
節度使以此推之審知卒當在同光三年十二月蓋閩  
去京師遠明年二月延翰之奏始至京師理當然也又  
據閩王列傳九國志皆云審知在位二十九年審知以  
唐乾寧四年嗣位是歲丁巳至同光三年乙酉實二十  
九年則運歷圖為是而舊史九國志云元年卒者皆繆

也。○鑄本名延鈞。五代舊史本傳云：在位十二年。九年國志云：在位十一年。閔王列傳紀年通譜皆云：在位十年。蓋鑄以天成元年殺延翰自立，是歲丙戌。至清泰二年乙未，實十年而卒。與閔王列傳合，而舊史九國志皆繆也。鑄以清泰二年改元永和，是歲見殺。而舊史九國志運歷圖皆無永和之號。又運歷圖書鑄見殺在天福元年丙申者，皆繆也。○劉昫九國志云：乾祐七年十一月昫卒，享年六十。子承鈞立，時年二十九。乾祐七年乃顯德元年也。而五代舊史周世宗實錄運歷圖紀年通譜皆云：顯德二年冬昫卒。又有昫偽中書舍人王保衡晉陽見聞要錄云：昫乙卯生，卒時年六十一。子承鈞立，承鈞丙戌生，立時年二十九。保衡是昫之臣，其親所見聞所得最實。然而頗為傳寫差誤。爾按保衡書昫乙卯生，若享年六十一，當於乙卯歲卒。則是顯德二年也。又書承鈞丙戌生，立時年二十九，則當是顯德元年甲寅歲也。豈有昫卒於二年，承鈞以元年嗣位，理必不然。以九

國志參較是享年六十顯德元年卒承鈞以是歲嗣位  
時年二十九為得其實但見閩要錄衍一字爾其云二  
年卒者皆繆也九國志又云承鈞立服喪三年至乾祐  
九年服除改十年為天會元年當是顯德四年而紀年  
通譜以顯德三年為天會元年者繆也晉與梁為敵國  
自稱天祐者二十年故首列於年譜其後遂滅梁而為  
唐故不列  
於世家

五代史卷七十一

五代史卷七十一考證

十國世家年譜序辛卯長興二年乃鏐之末年也○二  
一本訛三今據本卷辛卯條從南本為是

丁卯蜀王建天復七年是歲即位○復各本訛福今從前蜀

世家改正

丁酉二○二謂晉高祖天福二年也各本俱脫二字今

增正

己亥永隆是歲延義立○義當從閣本作義



癸卯五天德

是歲延政以建州稱殷改元

○改元上南本有故字

甲辰六

是歲曠亡

二○二謂閩延政天德二年也監本訛列

于下格開運三字之上今改正

乙巳天德三○三亦謂閩天德三年也監本訛列下格

今改正

五代史卷七十一考證

謹案卷六十九第四頁前四行季興因請夔忠等  
州為屬郡刊本屬訛蜀據毛本改

卷七十一第五頁後三行是歲延政以建州稱殷  
改元刊本延訛廷今改





覆校官編修臣查瑩

校對官庶吉士臣王坦修

謄錄監生臣俞煥